

《全真青玄济炼焰口铁罐施食全集》（上卷）

（四川二仙庵方丈阎笙阶 校刊 玄门邱祖龙门派弟子陕西陈景展道号善溪子 谨敬输录）

《步虚韵》：

符命与通传，惠光照九泉。
三魂朝上帝，七魄听灵篇。
三途离长夜，五苦尽释愆。
孽海皆息浪，闻法到人天。

太乙救苦天尊。

《幽冥韵》：

东极青华妙严宫，
紫雾霞光彻太空。
千朵莲花映宝座，
九头狮子出云中。
南极丹台开宝笈，
北都玄禁破罗酆。
惟愿垂光来救苦，
众等稽首礼慈容。
施食功德不思议，
孤魂滞魄早超生。
香供养：十方救苦天尊。

夫此香者，飞云结篆，明德惟馨。阳气升腾丹鼎，运元神之火。回风混合玄关，霭太素之烟。非草木臭秽之彝伦，迎青华慈仁而降格。传香有偈，宝号称扬。

香云达信天尊。

一炷真香烈火焚，金童玉女下瑶闻。
此香愿达青华府，奏请太乙救苦尊。

《河南三上香》：

稽首先天一（二、三）炷香，香云缭绕遍十分。

此香愿达青华（朱陵、黄花）符，奏请太乙救苦（十分灵宝尊、道场诸圣）尊。

香供养：十分救苦天尊。

恭对慈尊，秉称法职。

伏以，法身不动，凡有叩以皆通。天眼遥观，在无祈而弗应。凡情为叙，道职先称。臣系

太上无极大道，玉清金笥宝篆。混元紫府，选仙上品。秉东华演教，龙门正宗，邱大真人门下。第○代妙道（弟子）○率领闾坛道众人等同叩坛前（入意）。诚惶诚恐，稽首顿首。炉焚真香，虔诚上启

东极宫中救苦天尊

南极朱陵度命天尊

西极黄花荡形天尊

北极玉眸炼质天尊

中级九幽拔罪天尊

生天得道天尊

慈光接引天尊

大慈大悲救苦真人

大慈大悲大惠真人

西河救苦萨翁真人

十分救苦灵宝天尊

九天自然生神上帝

三元三品三官大帝

东岳天齐仁圣上帝

五岳四渎四天上帝

北阴酆都玄卿大帝

冥府十王慈仁真君

铁围山间都督鬼王

炎摩罗大力朱将军

救苦会上无殃众圣
神虎何乔二大元帅
追魂灵童摄魄玉女
地道功曹
冥阳开路五道将军
溟冷大神护送神员
泰山城隍沿路土地
冥关幽壤主直威灵
悉仗真香，普同供养。

伏望，暂离金阙，下降香坛。洁备蘋蘩之仪，俯赐歆鉴之诚。今有牒文，恭对敷宣。（宣牒）
向申牒文，宣白云周。就于神前，用凭火化。

志心皈命礼。青华长乐界（云云）

志心称念：飞云捧送天尊，不可思议功德。

伏以，三宝慈悲，必登风云之会，五浊恶堪，难澄清净之天。凡欲判济于幽冥，必当洁净于坛场。俾形神之清静，度幽魂于云台。教有云章，众当持诵。

《小赞韵》：

青华教主，太乙慈尊，玉清应化显金身。大开甘露门，接引群生，永出爱河津。

臣闻，道无可道五千言，开大道之宗。法裔嗣法亿万劫，合玄法之典。但臣功无寸积，敢云启后以承先。系教有别传，当兹济幽而利显。仰仗慈尊加护，帅将扶持，布灵宝之金光，至使昏炬照夜府，闻天尊之宝号，由是火宅以清凉。法师登台，阐扬妙典。

伏以，青华演教，宏开救苦之门。西蜀传经，广演度人之典。兹者瑶坛星拱，宝篆云开，群沾玉局之森严，共睹琅函之璀璨。仰维法架，俯赐临轩。积九还七返之功，同归太极。解三途五苦之众，出离轮回。物我

均沾，幽明两利。须至登台迎迓者。

太极亲传须自炼，自炼功夫人不见。
采得坎离结婴儿，相配龙虎生雷电。
度幽魂，炼宗眷，慢上重楼十二院。
泥丸宫内会群仙，逍遥俱赴蟠桃宴。
此台高不高兮 举头三尺
低不低兮 去地五丈
是昔太上说法，今夜度人无量。

度人无量天尊。

好个法王宝座，巍巍玉局层台。
浮空妙气于徘徊，一切羽士赞妙斋。
七宝林中七宝台，宝林宝树宝花开。
若要亡灵升仙界，请师登上法王台。

太上说法为教主，拔度亡者出迷途。
臣今端简法台下，端听三声鸣法鼓。
执事者各执其事，发鼓师发鼓三通。
法鼓三通叩，琳琅彻十分。
高功登宝座，说法度存亡。

高升平座天尊。

此座此座非凡座，救苦天尊曾坐过。
吾今说法度存亡，一切地狱都解脱。

生天得道天尊。

太乙天尊坐莲台，十殿阎君两边排。
判官展开生死簿，摄召灵魂受度来。

法食神变天尊。

救苦天尊下降，万朵金莲足踏。
九头狮子出云霞，五色祥云捧架。
来到升仙台上，浮空而坐说法。
拔度亡魂升天霞，早赴蓬莱会下。

香林说法天尊。

太上慈悲宝忏，拔度亡者生天。恐堕幽冥在黄泉，全凭道力追荐。
申奏东岳天齐，表启救苦青玄。十王判断早生天，那怕三曹对案。
法众虔诚，称扬大赞。

《慈尊赞》：

慈尊九色莲花座，座座七宝骞林。
骞林百亿瑞光中，瑞光中现出现出妙严宫。
妙严宫中端然座，座座就金容。
金容手持绿杨枝，绿杨枝遍洒洒遍虚空。
虚空景界难描画，画画就无穷。
无穷无尽拔度亡灵，度亡灵上往往上南宫。

太上立教说法，众生悉皆闻知。慈风浩荡透硃石，哀悯幽魂出离。
闻法昭彰，句赞坛中。忏礼希夷，十类孤魂尽皈依。今宵黄箓妙偈。

《黄箓斋》：

黄箓斋筵临妙宫，青城山下说原因。
张氏丽华曾遭罪，三官拷较甚分明。
丈人观里求忏悔，哀告黄冠李若冲。
经卷未完离地府，速登云路早超生。
一片贪嗔痴，到底返成苦海。
大慈方成教，今宵得遇慈航。
南辰光芒北斗明，犹闻窗下读书声。
孤魂万里复归去，空负洛阳花满城。

太上大道君，位列无何乡。

宝光真童子，下履九幽房。
悲哉孤魂众，拔度痛哀伤。
二十四门户，咸令闻宝香。
明灯照长夜，永消黑薄殃。
大慈大悲，寻声救苦，无上无上慈尊。

稽首皈依大罗天，慈悲赦罪在人间。
若要亡魂生仙界，启请神咒大众宣。

《仰启咒》：

仰启碧云大教主，唵哑吽
一元无上萨仙翁，吒唎吽吽唵哑吽
先天雷部大尚书，唵哑吽
亲授铁师传妙旨，吒唎吽吽唵哑吽
手持五明降鬼扇，唵哑吽
身披百纳伏魔衣，吒唎吽吽唵哑吽
常将铁罐食加持，唵哑吽
普济含灵皆得度，吒唎吽吽唵哑吽
咒枣书符皆有应，唵哑吽
代天宣化总无私，吒唎吽吽唵哑吽
云游天下至龙兴，唵哑吽
铁面将军潭底现，吒唎吽吽唵哑吽
一十二年观过错，唵哑吽
百千万种积功勋，吒唎吽吽唵哑吽
忙把誓盟朝上帝，唵哑吽
普令三界悉皈依，吒唎吽吽唵哑吽
治病回生如反掌，唵哑吽
开化附体阐威灵，吒唎吽吽唵哑吽
我今启请望来临，唵哑吽
伏望师恩加拥护，吒唎吽吽唵哑吽

香云达信天尊。

伏以，香乃玉华散景，九炁含烟，香云弥罗，迳达三天。默运一诚，先

吟三礼。

《三信礼》：

志一心信礼。

玉清宫元始主，三界师四生父。唵吽唎
若皈依大慈悲，能灭孤魂身业罪。唵吽唎
欲求解脱免轮回，凭道宝恩光力。唵吽唎
众幽魂蒙赈济，各承饱暖生天去。唵吽唎
登阆苑赴瑶池，俱入蓬莱三岛会。唵吽唎
十分常住道宝天尊。

《云霄引》：

虚无自然真常道，道教之中玄中妙。
妙有法力无边广，度脱真灵成仙道。
若要孤魂生仙界，稽首皈依无上道。

《三拿鹅》：

稽首皈依无上道，道宝道宝慈尊。先天立教，亿劫亿劫度人。
鸿蒙未判，开天辟地独为尊。玉清圣境，元始元始高尊。
愿垂法语，救度亡灵。忏灭亡灵身业罪。拔离苦海，超出超出尘沦。惟
愿身业罪消灭，接引亡灵，上往往上玉清。

志一心信礼。

上清宫玉宸主，济生死度群迷。唵吽唎
若皈依大慈悲，能灭孤魂心业罪。唵吽唎
欲求解脱免轮回，凭经宝恩光力。唵吽唎
众幽魂蒙赈济，各承饱暖生天去。唵吽唎
登阆苑赴瑶池，俱入蓬莱三岛会。唵吽唎
十分常住经宝天尊。

灵宝无量度人经，经育法力大功能。
能度亡灵出苦海，苦海得度礼真经。

若要亡灵出仙界，稽首皈依太上经。

稽首皈依太上经，经宝经宝慈尊。传法立教，开悟开悟后人。
混沌未分，祖劫化生独为尊。上清真境，灵宝灵宝高尊。
愿垂惠泽，救度亡灵。忏灭亡灵心孽罪。拔离迷途，超出超出凡尘。惟
愿心孽罪消灭，接引亡灵，上往往上上清。

志一心信礼。

太清宫混元主，传科旨训贤愚。唵吽唵
若皈依大慈悲，能灭孤魂口孽罪。唵吽唵
欲求解脱免轮回，凭师宝恩光力。唵吽唵
众幽魂蒙赈济，各承饱暖生天去。唵吽唵
登阆苑赴瑶池，俱入蓬莱三岛会。唵吽唵
十分常住师宝天尊。

玄中启教大法师，法师度脱赞希夷。
夷与亡灵出苦海，苦海得度礼真师。
若要亡灵生天界，稽首皈依玄上师。

稽首皈依玄上师，师宝师宝慈尊。随方设教，历劫历劫度人。
假名易号，隐圣显凡独为尊。太清仙境，道德道德高尊。
愿垂法慈，救度亡灵。忏灭亡灵口孽罪。拔离三途，超出超出凡笼。惟
愿口孽罪消灭，接引亡灵，上往往上太清。

太乙天尊座东阳，手内杨柳洒琼浆。
身骑九头青狮子，拔度亡者上天堂。

臣闻，大而化之知谓圣，妙莫能名。神而明之存乎人，无求不应。凡伸
启请，必赐鉴观。

太上垂科，虚皇演教。大启殊常之妙会，广开不二之法门。宣利济之经
言，度幽魂之滞魄。谨按经云，此诸罪辈，旷劫以来纵无名性，造十恶
业。六尘遍染，三业萦缠。肆意任心，曾无觉悟。阴罪阳过，日积月深。
背道违真，顺邪弃正。举心运念，动结愆尤。遂使命过之后，身落三途，
不得解脱。或于兵戈劫难，饥谨阵亡，投崖溺水，车碾马踏，虎噬蛇伤，
自缢身亡。非命者不一，横死者何多。生即受殃，死犹抱苦。恭惟

救苦之慈尊，广法慈悲之鸿愿，嗟九泉之苦爽，悯六道之众生。开度长夜，济拔幽魂。出离重泉，咸登道岸。遂使孽罔顿释，得睹光明。今遇法会，同生仙界。

《两头一样赞》：

金炉添炷返魂香，梵响空歌声韵长。
圣号已闻金阙下，幽关咸睹玉毫光。
三途五苦离长夜，十类孤魂赴道场。
享此无边甘露味，自然热闹得清凉。
始青天上弥罗讳，吾今登上狮子位。
吾为真人说法来，仙花满地金莲坠。
四生六道听宣扬，灵魂早赴慈航会。

太乙天尊下紫庭，九幽长夜放光明。
千愆只念天尊号，万罪全消一卷经。

《破酆都板》：

东方玉宝皇上尊，皇上天尊，风雷地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第一层。

南方玄真万福尊，万福天尊，火翳地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第二层。

西方太妙至极尊，至极天尊，金刚地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第三层。

北方玄上玉宸尊，玉宸天尊，溟冷地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第四层。

东北度仙上圣尊，上圣天尊，镬汤地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第五层。

东南好生度命尊，度命天尊，铜柱地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第六层。

西南太灵虚皇尊，虚皇天尊，屠割地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第七层。

西北无量太华尊，太华天尊，火车地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第八层。

上方玉虚明皇尊，明皇天尊，天牢地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第九层。

下方真皇洞神尊，洞神天尊，无间地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十层。

九幽拔罪尊，拔罪天尊，无量地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十一层。

法桥大度尊，大度天尊，累劫地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十二层。

大慈接引尊，接引天尊，女青地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十三层。

朱陵度命尊，度命天尊，刀山地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十四层。

慈航苦海尊，苦海天尊，剑树地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十五层。

青帝护魂尊，护魂天尊，硃石地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十六层。

白帝滞魄尊，滞魄天尊，寒冰地狱拔度亡魂。十方灵宝救苦尊救苦天尊，唵哑吽，吽哑唎，吽吽吽，东极宫中，破开酆都第十七层。

转轮圣王尊，圣王天尊，炉碳地狱拔度亡魂。十方灵宝救苦尊救苦天尊，唵哑吽，吽哑唵，吽吽吽，东极宫中，破开酆都第十八层。

大慈接引天尊。

伏以，阴阳造化，爰从生杀之机。善恶循环，各有昏明之路。升沉异趣，还（huan）从祸福之推。或从恶缘，或行善利。修堕皆由于自己，见邪总逆于人为。情分三界之中，性受五行之内。随果形报，逐业缘生。或异类于千般，贵贱殊途，尽属阴阳之类。性本一致，号出二名。或人伦于数种。冥冥长夜，杳杳幽途。嗟幻化之无常，叹轮回之不息。或有穷魂饿鬼，无墓冢以依栖，滞魄孤魂，绝子孙之祭祀。或有多生遭罪，襄劫贻愆。或上祖留殃，自身积衅。或文官路逝，武将阵亡。前谋佐国之荣，逐失治身之道。或名贡举监，求之不得。弓弩刀枪，对斗而亡。施为未显于才能，得业已成而弃世。或亏忠叛背，邪佞乖遭。全家受责罚之殃，自身获重刑之罪。轻亲不孝，慢上无徒。遭国法以摧残，犯天诛而被裨。典司卒吏，执役兵徒。怀能抱术之人，得艺良才之士。心灵手妙，巧匠工奇。受沉疴而客死他乡，染时疫而身亡故里。或商贾而车擎负载，或游食而散淡前行。或弃舟而沉溺波涛，或出陆而倾亡旅邸。或逢强徒劫盗，或遇猛兽虺蛇。或鰥夫寡妇以无倚，或独老孤男而无靠。咒诅阴谋之辈，故杀误伤之徒。或含冤久处冥关，或枉死未离鬼市。生产不全于母子，盲聋不便于东西。或奴婢驱役于逃亡，或娼妓孤单而失所。或大小亲疏为名利以争杀，或贤愚贵贱因酒色而伤残。五行卜命之流，三教论经之士。或假法而求利，或学道以求名。形骸不足于人伦，冠带未全于表里。或因火焚水溺，或自缢刀伤。或逢石压土埋，瘟疫雷伐。金木克期，落井堕坑。是男是女，或老或少。千行（hang）万术，百家九流。地狱神祇，畜生饿鬼。胎卵湿化，附木精灵。年深而尸骸暴露，岁久而魂飞魄散。身欠衣而裸体，口无食以枯肠。塘畔披头风雨露，路上江边霜雪夜。唼唼聚哭，唧唧啼散。欲超升而何日超升，望解脱而甚时解脱。今兹胜会，尽愿来临。入清凉之法水，享无边之香味。闻妙法而荡除烦恼，听仙经而解悟真常。罢生生执对之愆，脱世世萦缠之苦。各相携率，悉赴兰场。整饬威仪，俯从引导。法众慈悲，同声召请。

花旛接引天尊。

灵符一（二、三、四、五）道，吾奉
道祖法传，速开东（南、西、北、中央）方地狱。急急如律令。

《五召请》：

志一心召请。
东（南、西、北、中央）方世界，青（白、红、黑、黄）衣童子下瑶阶。
手持青（白、红、黑、黄）旛来接引，引将魂来，引将魂来。

《阴小赞》：

道宝法筵开，妙用奇哉。亡灵灭罪免三灾。青华宝盖来接引，送上天台，
送上天台。

法通三界天尊。

《救苦咒》：

礼拜元始尊
礼拜灵宝尊
礼拜道德尊
礼拜十方灵宝救苦尊
礼拜昊天金阙四帝尊
礼拜供养二大真人
礼拜金阙化身尊
礼拜降魔护道大天尊

唵明明庆庆呈呈庆呈庆呈庆九真九真庆
明明庆庆呈呈庆九真真真真真真真民其宏其宏民
明明庆庆呈呈尊音音音音音音音音音
化
灵
唵静静隆隆虚虚隆虚隆虚渊要隆隆要渊
静静隆隆虚虚隆要宗宗宗宗宗宗宗民其宏其宏民
静静隆隆虚虚尊音音音音音音音音音

玄
证

唵凡凡景景金金景金景金凡金景金景凡
凡凡景景金金景金见见见见见见愿宁冲宁冲愿
凡凡景景金金尊空空空空空空空空空
静
应

唵张张景景张张景张景张景张监监张景
张张景景张张景张监监监监监监愿宁冲宁冲愿
张张景景张张尊空空空空空空空空空
演
阳

唵黄黄辉辉黄黄辉黄辉黄道黄辉黄辉道
黄黄辉辉黄黄辉黄相相相相相相相相道散道散相
黄黄辉辉黄黄尊宪宪宪宪宪宪宪宪宪
道
相

大悲大愿大圣大慈，十方化号普度亡魂，亿亿劫中度人无量。寻声赴感
太乙救苦天尊青玄上帝。

伏以，天阶夜静，人市更残。金乌已坠于西山，玉兔将升于东海。银河
耿耿，乃分昼夜之期。宝篆飘飘，实判鬼神之际。一声圣号，彻开三途
之地狱。三炷真香，奏启九清之上圣。遥望天阶，俯躬奏请

虚无自然金阙七宝上帝
东极宫中大慈仁者
寻声赴感太乙救苦天尊青玄上帝
十方救苦天尊
广度沉沦天尊
大慈大悲大惠真人
西河救苦萨翁真人
太极左公仙翁
冲应孚佑真君
神虎何乔官将法部吏兵

三部追魂使者
冥阳开路五道将军
城隍社令
里域都官正神

咸望鸿慈，垂光济度。

臣闻，开天辟地三皇五帝以茫茫，亘古传今四生六道而滚滚。不假拔度之功，曷使超升之路。以今善信（某）等切念孤魂之苦爽，设放云厨之法食。赈济寒林，统祈超化。具有意文，恭对敷宣（入意）。臣领投词，理难仰违。恭按玄科之式，宣行摄召之仪。全赖师真，恩光覆护。三官彻透于天堂，九窍开通于地府。含灵沐果，蠢动沾荣。（臣）下情无任再拜俟命之至。干冒宸威，谨启以闻。今（某）等，洁陈菲供，进诣宝坛，专伸上献。法众运诚，同声应和。

《五供养》：

玉炉初焚降真香，传诚达悃奏上苍。
法众一声仙范举，群真万里彩云祥。
斋主（众信）今将香供养，拔度亡者早生方。

香供养，金鼎放毫光，宝盖氤氲极乐界，祥云缭绕大罗天，呈端玉皇前。
慈云布，飞下九重天，地府曹僚施法雨，酆都山下降凌烟，香散罪魂愆。
蒙救度，亡者返仙乡，斋主（众信）今将香供养，拔度亡者早生方，斋主（众信）保安康。

嫩蕊牡丹上苑花，绛红芍药实堪夸。
玉女殷勤亲采取，献时芬馥起云霞。
斋主（众信）今将花供养，拔度亡者早生方。

花供养，千载异难量，碧蕊牡丹开美艳，绛红芍药发清香，光艳照十方。
诸天界，莲盖满池塘，玉女散时分五彩，金童捧出献千祥，飞下降道场。
蒙救度，亡者返仙乡，斋主（众信）今将花供养，拔度亡者早生方，斋主（众信）保安康。

才然风烛灿银灯，能照幽阴放光明。
万道霞光开幽暗，九色潋滟照罗酆。
斋主（众信）今将灯供养，拔度亡者早生方。

灯供养，普照万天中，潋滟照明非残绿，银灯开处发光生，直至蕊珠宫。
三界上，火树玉玲珑，万道霞光辉碧绿，九色潋滟照罗酆，天地悉皆通。
蒙救度，亡者返仙乡，斋主（众信）今将灯供养，拔度亡者早生方，斋主（众信）保安康。

龙宫海藏聚神兵，乾坤万汇悉皆生。
救苦天尊洒甘露，酆都饿鬼得超升。
斋主（众信）今将水供养，拔度亡者早生方。

水供养，天一自然生，下作甘泉通地脉，上为雨露洒凡尘，万物得生成。
为气露，凝结作寒冰，应变随时分七善，清凉法水显三能，妙力助圆成。
蒙救度，亡者返仙乡，斋主（众信）今将水供养，拔度亡者早生方，斋主（众信）保安康。

天宫王姥（mu）献仙桃，荔枝龙眼最为高。
昔日苹果曾供养，洗得尘垢不思劳。
斋主（众信）今将果供养，拔度亡者上丹霄。

果供养，五色耀金盘，果树花开桃结秀，千树园内李成丹，俱香满庭前。
王姥（mu）赐，武帝得先尝，紫杏可令老者少，黄梅能使病者安，用献天尊前。
蒙救度，亡者返仙乡，斋主（众信）今将果供养，拔度亡者早生方，斋主（众信）保安康。

香厨妙供天尊。

肃静肃静，十方肃静。法鼓三通，万神咸听。今有追魂牒文，恭对敷宣。
（鼓止，宣追魂牒，焚化）
向申牒文，宣白云周。就于法台，用凭火化。

太上洞玄灵宝救苦妙经

尔时

救苦天尊遍满十方界，常以威神力，救拔诸众生，得离于迷途。众生不知觉，如盲见日月。我本太无中，拔领无边际。庆云开生门，祥烟塞死户。初发玄元始，以通祥感机。救一切罪，度一切厄。渺渺超仙源，荡荡自然清。皆承大道力，以伏诸魔精。空中何灼灼，名曰泥丸仙。紫云覆黄老，是名三宝君。还将上天炁，以制九天魂。救苦诸妙神，善见救苦时。天上混无分，天炁归一身。皆成自然人，自然有别体。本在空洞中，空洞迹非迹。遍体皆虚空，第一委炁立，第二顺炁生，第三成万法，第四生光明。天上三十六，地下三十六。太玄无边际，妙哉大洞经。皈命太上尊，能消一切罪。

东方玉宝皇上天尊。
南方玄真万福天尊。
西方太妙至极天尊。
北方玄上玉辰天尊。
东北方度仙上圣天尊。
东南方好生度命天尊。
西南方太灵虚皇天尊。
西北方无量太华天尊。
上方玉虚明皇天尊。
下方真皇洞神天尊。

道言，十方诸

天尊，其数如沙尘。化形十方界，普济度天人。委炁聚功德，同声救罪人。罪人实可哀，我今（天尊）说妙经。念诵无休息，归身不暂停。天堂享大福，地狱无苦声。火翳成清署，剑树化为蹇。上登朱陵府，下入开光门。超度三界难，迺上元始天。于是飞天神王，无鞅数众，瞻仰尊颜，而作颂曰

天尊说经教，接引于浮生。
勤修学无为，悟真道自成。
不迷亦不荒，无我亦无名。
朗咏罪福句，万遍心垢清。

尔时，飞天神王，及诸天仙众，说是诵毕，稽首天尊，奉辞而退。太上

洞玄灵宝救苦妙经。

太乙慈尊大宝莲，仙童接引下三天。
香风吹散人间事，拔度亡魂出九泉。

《悲叹韵》：

吾今悲叹憾云霄，夜飘飘，水向石边流出冷，魂魂飞夕阳斜。
日月循环西复东，似幻同，惟有江山千万古，磨磨尽几英雄。
秋雨梧桐叶落时，夜驰驰，芦花凋残苔城畔，瞧瞧楼鼓觉摧。
今宵幸遇法筵开，对山崖，奉请亡魂来受度，礼礼拜慈尊上南宫。

伏以，有痛乎天，盖人心之至理。好生救物，本我道之自然。惟在精虔，
必蒙降格。今则琅函蕊笈，以悉彻于披宣。素惻丹忱，幸克谐于通感。
庆生死之蒙惠，谅幽显以沾恩。伏愿善见
救苦时，遍尘沙而应化。常以威神力，空地狱以升迁。法众虔诚，称扬
宝号。

《达摩引》：

天尊慈惠阐冥阳，普与亡灵荐福乡。
甘露流润垂济度，炎池热闹化清凉。
风山香饭千林果，阆苑瑶池玉液浆。
惟愿神意来歆享，金炉三炷爇名香。
香供养：十方救苦天尊。

天星朗朗步璇玑，正是瑶坛摄召时。
符命告下泉曲府，亡魂来赴太黄旗。
三声圣号离长夜，一举花幡彻地祇。
接引幽魂瞻师座，快乐天堂无地狱。

《小救苦引》：

东极宫中，太乙慈尊，十方化号为救苦，百亿光中现慈容。宏誓愿，力
深幽阳界，超出苦众生。尽离幽暗泉曲府，永赐长生免沉沦。得入天堂
中，魂自在，迳往朱陵宫。三代宗亲承摄召，一脉先灵早超升。普度亡

过灵魂，生仙界，甘露法王中。惟愿今宵来赴会，引亡灵，上往往上南宫。

九幽沉沦天尊。

伏以，阴阳首判，清浊肇分。尧天荡荡，叹古今之兴废。禹帝沉沉，嗟贤愚之成败。虎战龙争，混乱天下九洲。君强臣壮，独并四海一统。六韬三略，盖国英雄何在。五经四书，贯世文章那存。三教门徒，九流艺术。士农工商不等，琴棋书画皆同。隔越关山之远，漂流云水之乡。父母资本总成空，恩爱妻子俱是梦。奉公为吏，厌俗出家。辜负平生之愿，虚劳处世之机。遭时疫而夫妇并丧，遇产难而母子俱亡。徙流笞仗以殒身，绞斩分刑而弃命。饥荒饿殍，大劫枉死。蛇伤虎咬及雷诛，自缢投河并火化。尽是残生恶魄，皆为枉死穷魂。盲聋喑哑，生为异境之人。瘸跛疯癫，死作离乡之鬼。罕逢故友，少遇知音。尸露红蓼滩头，骨堆绿柳堤畔。春去秋来闻鸟唱，寒来暑往听鱼歌。尺书难寄于双鲤，寸信谁达于孤鸿。五音苦爽，六道幽灵。黄壤未沾新雨露，红尘不改旧家风。善（众）信敬发慈悯故，真心起奉无上道。修建九幽之斋筵，赈济三途之穷魂。闻今一声之召请，勿辞千里而远来。恭对灯坛，同声赞扬。

《十四召请》：

灵幡飘荡本无风，风动幡飞瞬息中。
幡若风来魂魄附，魂随幡引上南宫。
冥冥始觉从前悟，悟了方知彻底空。
要知灵幡端的处，灵幡便是主人公。

志一心召请。

北阴界内，地府城中，冥司面然之鬼王，铁围所统之主者。九幽狱，十王狱，君臣宰辅。三曹案，六部案，文武公卿。
惟愿，展转绿袍离地府，腰悬紫诰出幽京。罢除嗔怒降斋筵，大舍威光作证盟。此夜今时，来临法会。
香花召请望来临，花幡召请望来临。

前亡后化众孤魂，有主无依恐不闻。
星月朦朦笼古道，风雨飘飘罩荒村。
可怜白骨堆黄土，空忆新尸葬旧坟。

此夜好承功德力，花旛召请望来临。

志一心召请。

累朝帝主，历代后妃，冠戴十二冕旒，貌压三千粉黛。管天下，辖天下，毕竟升迁。歌禁中，舞禁中，终须陨落。

呜呼，岂不闻，五龙驾去不复还，空委箫歌洞府间。计得当年寝卧处，而今空作九峰山。如是古往今来，累朝帝主，历代后妃，一类金灵等众，此夜今时，来临法会。

香花召请望来临，花旛召请望来临。

孤魂飘荡几春秋，暴露形骸谁与收。

三元五腊无祭祀，四时八节少追修。

魂如柳絮随风舞，魄似桃花逐水流。

今夜荐修无碍供，承此饱暖上天游。

志一心召请。

文章秀士，才艺名儒，槐花梦踏而麀战棘围，杨柳巧穿而争魁兰麝。口万卷，腹万卷，咫尺功名。经三场，赋三场，空遗尘世。

呜呼，岂不闻，南斗栏栅北斗横，犹闻窗下读书声。家乡万里复归去，空负洛阳花满城。如是古往今来，秀士名儒，一类孤魂等众，此夜今时，来临法会。

香花召请望来临，花旛召请望来临。

亡魂一旦适波流，白骨昭然卧荒丘。

鬼火营营阴夜雨，悲风飒飒夕阳秋。

英雄豪杰今何在，荣耀功名尽已休。

全仗羽流吟赞偈，荐此亡魂上天游。

志一心召请。

招提衲子，兰若高流，坐石崖而定镜高悬，翻贝叶而天花乱坠。非幡动，非风动，心悟禅机。是桥流，是水流，了明觉性。

呜呼，岂不闻，三十年来此地游，木栏花落院重修。如是又到经行处，树老无花僧白头。如是古往今来，招提衲子，一类觉灵等众，此夜今时，来临法会。

香花召请望来临，花旛召请望来临。

白骨垒垒葬荒山，万里家乡何处安。
而今惟有西江月，照见青塚黑草般。
天堂有路非遥远，地狱无门咫尺间。
若无太上三乘法，亡魂怎得到人天。

志一心召请。

琳宫羽士，金简玄流，披鹤氅以朝真，戴星冠而礼斗。道清静，德清静，
朝上瑶台。指神仙，学神仙，终归蓬岛。

呜呼，岂不闻，月冷烟霞古道场，先生何处梦黄粱。丹砂炼就千年药，
一点灵光丧北邙。如是古往今来，养性修真，羽化玄流，一类霞灵等众，
此夜今时，来临法会。

香花召请望来临，花幡召请望来临。

璞头象简如春梦，紫袍金带似浮沤。
自古多少英烈士，尽把功名化灰尘。
七尺红罗书大字，一堆黄土盖文章。
总是王侯并宰相，一世功名半点无。

志一心召请。

朝堂卿相，郡邑官僚，忠良常蕴于胸中，生死尽归于笔下。黄金带，白
玉带，总是浮沤。紫罗袍，绿罗袍，犹如风烛。

呜呼，岂不闻，一对朝奏九重天，夕贬朝阳路八千。如是远来应有意，
好收吾骨葬江边。如是古往今来，卿相元老，一类孤魂等众，此夜今时，
来临法会。

香花召请望来临，花幡召请望来临。

遥望江边作钓船，芦花滩头一蓑烟。
巴陵渔翁今何在，青春池边月正圆。
新坟旧墓垒垒骨，家家祭扫各纷然。
可怜节妇江边哭，目睹光阴化纸钱。

志一心召请。

筑台拜将，秉钺武臣，碧纱幢拥万家之兵，金斗印镇三边之地。坐帷幄，
卧帷幄，声振诸侯。入边疆，出边疆，威扬四海。

呜呼，岂不闻，寒来暑往春复秋，夕阳桥下水东流。将军战马今何在，
野草闲花满池愁。如是古往今来，武臣将帅，一类威灵等众，此夜今时，

来临法会。

香花召请望来临，花旛召请望来临。

死生生死几时休，物换星移春复秋。

列子如风风御子，庄周蝶梦梦庄周。

回命恰似风中烛，聚散如同水上沤。

识破机关归去也，十洲三岛任意游。

志一心召请。

行船客旅，贾（gu）道经商，行行为利与谋财，步步登途而自苦。身万里，家万里，梦回故里。风半窗，月半窗，宿宵旅馆。

呜呼，岂不闻，经营负苦过平生，动是披星戴月行。财货消磨谁是主，不知身在异乡庭。如是古往今来，经商客旅，一类孤魂等众，此夜今时，来临法会。

香花召请望来临，花旛召请望来临。

人生倏忽恨难留，百岁如同水上沤。

始觉春花初开绽，又逢落叶送残秋。

几灵容颜葬埋土，无限英雄丧古冢。

承此经功生脱化，早离幽冥上瀛洲。

志一心召请。

田畴老叟，南亩农夫，春耕夏耘蓑笠伴，胼手胝足终岁勤。披星出，戴月入，辛苦不辞。过岁丰，遇岁荒，饥寒难免。

呜呼，岂不闻，野草闲花色已衰，去了宾鸿今又来。露冷风寒禾苗尽，惟有梅花待雪开。如是古往今来，老叟农夫，一类孤魂等众，此夜今时，来临法会

香花召请望来临，花旛召请望来临。

人生幻化古今同，谁肯将身觉梦中。

百岁光阴弹指过，一生作事转头空。

虚皇演教传经篆，童子持旛驾驿龙。

乘此白云归去好，逍遥稳步上南宫。

志一心召请。

南浮界内，大华国中，贵贱虽殊于两途，贤愚不同于一生。君子辈，小

人辈，五音滞魄。城市住，乡村住，十类孤魂。
惟愿，五音苦爽出寒林，十类孤魂尽沾恩。早向今宵求解脱，承此饱暖
上丹天。此夜今时，来临法会。
香花召请望来临，花幡召请望来临。

慈悲设教广无边，普度众生上法船。
金童执幡前引路，玉女左右散香烟。
九头狮子云里现，神光照彻地狱间。
惟愿天尊来下降，拔度亡者出幽关。

志一心召请。
三千界内，四大部中，修身证果以登真，人伦处世而受福。魔灵道，地
狱道，闻经改性。饿鬼道类，畜生类，听法回心。
惟愿，六道幽魂脱苦爽，一灵不昧悟真心。天堂有路安然走，地狱无门
自在行。此夜今时，来临法会。
香花召请望来临，花幡召请望来临。

日月轮回西复东，明来暗去古今同。
常言人静何曾静，说到真空果是空。
夜间才闻三擂鼓，翻身又听五更钟。
闲时静坐思量老，好似南柯一梦中。

志一心召请。
九州界内，万国之中，南蛮北戎众番人，东夷西狄诸胡汉。大邦君，小
邦臣，争强斗勇。文节制，武忠良，舍死亡生。
惟愿，天下万国众君臣，世上九州诸公卿。舍死亡生空费力，争名夺利
枉劳心。此夜今时，来临法会。
香花召请望来临，花幡召请望来临。

一世功名如春梦，百年荣华似浮沤。
劝君罢笔从头数，那个长生得到头。
阳间有罪朝廷赦，地狱有罪凭追修。
此夜好承功德力，随吾花幡坛前游。

志一心召请。
此境界内，附近乡村。地盘业主及亲邻，阜老先贤并陌客。有主承，无

祭祀，留今更古。千年坟，万年墓，暑往寒来。
惟愿，前亡后化众先贤，有主无依不计年。罢脱尘笼归汉表，出离苦趣上丹天。此夜今时，来临法会。
香花召请望来临，花旛召请望来临。

周秦吴魏鲁汉梁，晋宋齐燕在那方。
荆棘林中藏五帝，蓬蒿科下掩三皇。
屈原为甚投江死，介子因何抱柳亡。
累代公卿归何处，世上那个不无常。

志一心召请。
无极界内，有生类中，羽毛鳞角以不同，胎卵湿化而各异。或朝（zhao）生，或暮死，飞潜走值。若有相，若无相，蠢动含灵。
惟愿，生居畜兽与禽虫，尽是当初错用功。早向今宵求解脱，免堕轮回业报中。此夜今时，来临法会。
香花召请望来临，花旛召请望来临。

步虚缭绕遍十方，阆苑奇花满道场。
奏请亡灵来受度，金炉添炷返魂香。

《返魂香》：

一炷返魂香，径通三界路，惟愿大慈悲，宣扬秘密语。拔度荐亡灵，出离地狱三途苦。人生百岁如在梦中游，一旦无常归何处。灵魂从此一去上南宫，朝礼无上虚皇尊。无上愿亡灵上愿亡灵早超升。

生天得道天尊。

《全真青玄济炼焰口铁罐施食全集》（上卷终）

玄门弟子善溪子 沐手输录

道历四七〇六年二月廿一ô ô 廿三日